

Kolaborasaun mak xave: Eskritóriu Menzies Timor-Leste selebra aniversáriu da-haat

13 Setembru 2023

Foku kontinua ba kolaborasaun husi Menzies School of Research (Menzies) atu harii sistema saúde sustentavel no kapasidade lideransa saúde nian iha Timor-Leste selebra hela.

Ohin loron marka tinan 4 dezde Menzies harii edifísiu iha rai viziñu. Ekipa ne'e kontinua servisu hamutuk ho Governu Timor-Leste, parte interesada prinsipal sira no povu Timor-Leste, hodi alkansa rezultadu saúde ne'ebé di'ak liu.

Relasaun ne'ebé forte no foka liu ba dezenvolve evidénsia lokál hodi informa no adapta jestaun prevensaun ba moras infesiozu sira sai hanesan motór ba alkansamentu prinsipál barak. Ida ne'e inklui nasaun nia hatan ba pandemia COVID-19, diagnóstiku di'ak liu ba infesaun rezisténsia antibiótiku no kresimentu líder saúde Timoroan sira nian.

Projetu Menzies nian ne'ebé kontribui ba ida ne'e inklui projetu [ARIA-RISE](#) ne'ebé agora daudaun kompleta ona. Projetu ne'e fornese dadus atu informa taxa númeru moras COVID-19 no moras sira seluk ne'ebé bele prevene ho vasina (hanesan sarampu, rubela, hepatite B no dengue), no rezultadu sira influénsia maka'as ona ba polítika vasinasaun iha Timor-Leste.

Projetu importante seluk mak [STRONG-TL](#). Ekipa ne'e durante tinan 5 servisu hamutuk ho Ministériu Saúde hodi hametin vijilánsia no kontrolu ba moras infesiozu sira iha Timor-Leste, no avalia impaktu husi ida ne'e nian ba iha sistema saúde no responsabilidade polítika.

Projetu importante ida ne'ebé la'o hela mak projetu [MATCH-TL](#) (Malária, Tuberkuloze (TB), COVID-19, diagnóstiku HIV no vijilánsia iha Timor-Leste). Nia kontinua ezamina númeru moras infesiozu sira iha nasaun ne'e. Parte husi servisu ne'e inklui Peskiza Nasionál Prevalénsia TB (NTPS) ne'ebé servisu hamutuk ho Programa Nasionál TB iha munisípiu hotu-hotu iha Timor-Leste atu kompriende di'ak liu tan impaktu loloos husi TB iha nasaun ne'e.

[Fleming Fund Country Grant ba Timor-Leste](#), ne'ebé finansia husi UK Aid no jere husi Grupu Mott MacDonald, apoiu servisu atu rezolve rezisténsia antimikróbiu. Menzies sei kontinua servisu hamutuk ho parseiru sira atu hametin rezisténsia antimikróbiu liu husi aprosimasaun One-Health (Saúde Ida), ne'ebé rekoñese ligasaun entre ema, animál no ambiente.

Hatene liu tan kona-ba projetu Menzies ne'ebé la'o hela iha Timor-Leste:
https://www.menzies.edu.au/page/Research/Global_and_Tropical_Health/Timor-Leste/

Sitasaun sira ne'ebé atribui ba Menzies School of Health Research Timor-Leste Projects Co-Lead, [Associate Professor Josh Francis](#):

"Ita nia aniversáriu da-haat fó oportunidade ida ba selebrasaun no reflexaun kona-ba alkansamentu prinsipál sira, ne'ebé pertense ba povu Timor-Leste."

"Ami agradese tebes ba oportunidade ne'ebé ami hetan hodi apoiu hadi'ak sistema kuidadu saúde nian iha nasaun ne'e, no haree ba kresimentu pesoál no profesionál husi líder saúde

Timoroan sira, ne'ebé servisu hela atu hadi'ak rezultadu saúde nian no mós atu mentoriza lider sira iha futuru."

"Iha tinan kotuk, eskritóriu Menzies Timor-Leste kontinua aumenta sai boot, ho funsionáriu liu husi 80 ne'ebé servisu hamutuk iha projetu oioin."

"Ita involve hela iha servisu ne'ebé la'o hela, servisu importante ne'ebe hasoru hela dezafiu husi moras infesiozu sira hanesan dengue, tuberkuloze, HIV, moras reumatizmu fuan, brucellosis no rezisténsia antibiotiku, hodi apoiu Timoroan sira nia saúde."

"Ida ne'e previléjiu ida atu iha servisu kolaborasaun hamutuk ho povu Timor-Leste, no ita hein atu kontinua nafatin serbisu ne'e iha futuru."

REMATA

Media contact:

In Timor-Leste: Communications Officer - Fausta da Costa

Phone: +670 7738 1210 | Email: fausta.dacosta@menzies.edu.au

In Australia:

Phone: (08) 8946 8658 | Email: media@menzies.edu.au

Menzies School of Health Research

Menzies is one of Australia's leading medical research institutes dedicated to improving the health and wellbeing of Aboriginal and Torres Strait Islanders, and a leader in global and tropical research into life-threatening illnesses. Menzies continues to translate research into effective partnerships and programs in communities across Australia and the Asia-Pacific region.